

Iscola tzìvica de mùsica



S'Amministratzioni comunali de Baressa fait isciiri ca s'iscola tzìvica de mùsica at a

torrai a incumentzai is cursus a partiri de sa cida de lunis 4 de donniassantu 2013.

Ma po pòdiri pigai parti a custos cursus tocat a s'isciri a su cursu chi si bolit sighiri aintru de lunis 1 de su mesi de argiolas 2013.



Po s'isciri s'at a dèpiri cumpillai su mòdulu e pagai sa primu rata de 25 èurus de anticipu, chi s'ant a liai de sa reta annuali.

Novas Baressesas at a bessiri prus o mancu una borta a su mesi e s'at podi arriciri inderetura in domu, cun una e-mail: bastat a ddu pediri mandendi una punta de billetu eletrònicu a s'indiritzu serviziocultura@comune.baressa.or.it iscriendi su nòmini, su sangunau e "bollu arriciri *Novas baressesas*". In prus, s'at podi ligi puru in sa bacheca comunali o agatai in medas atividadis comercialis de sa bidda o in sa biblioteca comunali



Comunu de Baressa
Provintzia de Aristanis

Sa redatzioni de *Novas Baressesas* est contivigiada de su Servìtziu linguisticu sardu e s'Assessorau a sa Cultura de su Comunu de Baressa.

S'isportellu linguisticu est a disponimentu de tzitadinus, maistus de iscola, professoris e istudentis po cali si siat informatzioni, profundamentu, duda, crosidadi, bibliografia asuba de sa lingua sarda, po consulèntzias didàticas e po contzillus chi pertocant is arrègulas de iscrivura de su sardu.

Su Servìtziu in Maju est abertu:

<i>Dii</i>	<i>data</i>	<i>De is...a is</i>
Cenàbura	03.05.2013	11.40 – 14.10
Mèrcuris	08.05.2013	10.40 – 14.10
Mèrcuris	15.05.2013	10.40 - 14.40
Cenàbura	17.05.2013	08.00– 11.00
Mèrcuris	22.05.2013	12.10 – 14.10
Cenàbura	24.05.2013	11.40 – 14.10



Comunu de Baressa
Provintzia de Aristanis

Novas Baressesas

☎ 0783-930049 Fax 0783-930118
e-mail: info@comune.baressa.or.it

Fòlliu periòdicu de informatzioni istitutzionali de su Comunu de Baressa

**Responsabilidadi e proprietadi de su
Comunu de Baressa (or)**

Annu III, n. 2

Acabau su 15 de maju 2013

Novas de su Comunu

sa 26° passillada ecològica a Baressesa



Est cun prexeri mannu chi s'Amministratzioni comunali de Baressa fait iscìri a totus is Baressesus ca

domìnicu 19 maju 2013 nc'at a èssiri sa 26° Passillada ecològica Baressesa. Sa partèntzia at a èssiri in sa pratza de su Municipiu nou a is noioras (ore 9.00) de mengianu e s'at a sighiri custu programma:

- A is otu e mesu (ore 08.30) de mengianu: atòbiu de is chi bolint pigai parti a custa passillada ecològica;
- A is noioras (ore 09.00): Partèntzia passendi po Pratza municipiu Nou, bia is Tellaias, bia Abas, Bia Venezia, Bia Aristanis, Bia Funtana Bella, su Coròngiu de Antoni Iscanu, Marrogali (aundi s'agatat su puntu de ristoru), Goria Atzei, Santa

Maria Atzei (aundi s'at a fàiri sa missa), parcu Marrogali aundi s'at a prandi.

Is chi pigant parti a sa passillada ecològica in is rugas de sartu ant a arritziri unu arregordedu de custa bella passillada e de custa dii.



- A is ùndixi de mengianu (ore 11), nc'at a èssiri sa missa in sa crèsia de Santa Maria Atzei;
- A sa una de mengianu (ore 13.00) nc'at a èssiri su pràngiu po totus cumbidau de su comunu e fintzas mùscas e cantus praxilis.

Po sighiri su pentzamentu de custa dii e passillada ecològica e duncas circhendi de portai arrispetu po cantu fait a s'ambienti e a is logus naturalis e bellus de is terras



nostas is chi ant pigai parti a custa passillada s'ant a depiri portai pratu, tassa e frochita e gorteddu de domu insoru (de cussus chi non si nci fulliant, ma si isciacuant

e si torrant a imperai) po no lassai su logu brutu e non fàiri mundetza meda.



Ddu podit domandai a su mancu su 15% de is citadinus chi podint votai de is comunus chi tenint una lingua de minoria o una de is tres partis de is cussilleris comunalis.

Po ndi sciri de prus...

- Ita si depit fai po fai arreconosci ca in unu Comunu si fueddat una lingua de minoria?

Po s'articulu n° 3 de sa Lei 482/99 in is Comunas in ui benit fueddada una de is linguas de minoria allistadas de sa Lei, est possibili a dd' arreconosci si ddu domandat a su mancu su 15% de is citadinus chi podint votai o una de is tres partis de is cussilleris comunalis. O puru, is chi tenint titulu po ddu fai, podint promovi una consultatzioni de is citadinus residentis chi, si funt a favori, podint domandai s'arreconoscimentu de sa minoria linguistica e otènniri aici su profetu de is agiudus econòmicus prevedius de sa Lei po avalorai custa lingua in su territòriu insoru.